

Sehla sa ho faela sa Beng ba Mesebetsi sa 2025

Tshwane, 24 Mmesa 2025 – Ditshebeletso tsa Lekgetho tsa Afrika Borwa (SARS) di lakatsa ho tsebahatsa hore la 31 Mmesa 2025 ke la makgaolakgang hore Beng ba Mesebetsi ba faele Ditsebahatso tsa bona tsa Selemo ka Seng.

Motjha ona wa Tsebahatso ya Selemo ka Seng ka Beng ba Mesebetsi ke mohato wa pele wa bohlokwa o tlang pele ho Sehla sa ho Faela sa Lekgetho la Lekenso la Motho (PIT), se tlang hamoraonyana selemong. Lesedi le bokelletsweng ka nako ya Tsebahatso ya Selemo ka Seng ka Beng ba Mesebetsi, tsebahatso ya kgwedi ka nngwe ya EMP201 mmoho le tsepamiso ya EMP501 di thusa SARS ho fana ka diphetho tse nepahetseng ho balefalekgetho nakong eo ba fumanang dikgutliso tsa bona tse seng di hlahlobilwe ka hara dikgutliso tsa bona tsa lekgetho la lekenso (ITR12). Lesedi le sa fellang kapa le sa nepahalang le thatafalletsa basebetsi ho ikobela boitlamo ba bona ba tefo ya lekgetho. Kanetso ya ka nako ya ditifikeiti tsa IRP5 le IT3 ka beng ba mesebetsi ho bohlokwa haholo ka ha basebetsi ba hloka tsena ho faela dikgutliso tsa bona tsa ITR12 ka nako ya sehla sa lekgetho.

SARS e tsebisitse ka mokgwa o ntlafaditsweng wa marangrang a bitswang *e@syfile™ Employer software (version 8.0)* ho ntlafatsa tsela eo o faelang ka yona. Mokgwa ona wa moraora o tjena o tla ka tsela e ntlafaditsweng, mme sena se netefatsa hore motjha wa tsepamiso ke o thellang le hore o sebetse ka ho phethahala. Re kgothaletsa bang ba mesebetsi, ditsebi tsa lekgetho, mmoho le balaodi ba tsa meputso ho rwalla *e@syfile™ Employer v8.0* e ntjha ho tswa [leqepheng la rona la e@syFile](#) ho www.sars.gov.za pele ba fana ka ditsebahatso tsa bona tsa Selemo ka Seng tsa Beng ba Mesebetsi.

Ho bohlokwa ho hlokomela hore Basebetsi bohle ba lokela ebile ba tlameha ho fana ka Ditsebahatso tsa Beng ba Mesebetsi tsa Selemo ka Seng ho akareditswe le Beng ba Mesebetsi ba sokang ba kgatha tema e kaalo ho tsa ikonomi. SARS e tla jarisa Beng ba Mesebetsi boikarabelo bakeng sa ho se ikobele ho fana ka Ditsebahatso tsa Selemo ka Seng sa Beng ba Mesebetsi.

Beng ba Mesebetsi jwale ba ka rwalla dividiyo tse tataisang hore ba etse dintho jwang” ho *SARS TV YouTube Channel*.

Ho fumana lesedi le fetang lena, ka kopo ikopanye le SARSMedia@sars.gov.za